

潛江縣志續卷之三

輿地志 形勝 疆域 山川 鄉區

畫地分疆奠厥井邑千古弗易潛無山川流環繞而江漢介居為患一經水泛湖淤為洲陸沈為淵甚至河流遷徙疆域有羸絀鄉區有變更形勝百年轉瞬非昔有長民之責者所宜經理也續輿地

志

形勝

荆州為武昌屏藩潛江則荆州東南門戶也漢廣莫逾

潛江縣志 卷之三

輿地志

加以支流縈繞雨潦動為澤國連騎疊鼓殊難齊驅以故髮逆捻匪窺伺荆州至潛俱為鄉勇所扼

疆域

道光二十九年襄水流潰楊隄灣順流至聶家場直瀉河遷十餘里京山之呂家灘逾河而南而潛江長塢光澤兩院田之崩於京山者亦不少

山川

潛景無山昔人詠景云荒城可當山今並荒城無之前志載道隆嶺在縣南五里今遺址不復可尋惟南有

劉巷嶺其地頗高在崔家院下去城八里
流河淤塞水失故道自昔已然咸豐初田闢淤高西荆
河至高家場一帶俱湮

同治三年沔陽州人夥眾築壩於義河口縣河爲其所
塞至排沙渡縣河分支之通順河亦廢而縣河下流
之班灣河沙口河盡皆斷流矣

龔家渠在縣西南小河數道眾流所匯幾成澤國今淤
成院

崔家院黑老湖今淤

潛江縣志

卷之三

輿地志

二

沱埠淵今淤

妙庭觀之前池崩入縣河遺址俱不可考

淨水池在大佛寺今毀四望皆水失池所在

獐狷湖在縣治西門外毗連南北環繞城垣邑人黃玉

輝吳文麒有獐狷湖打魚歌載藝文志

鄉區

見前志